



FOOD & DRINK FAIR
18-20 OCTOBER 2017, Prishtina

17
YEARS



GENERAL INFORMATION

Deadline: 18 September 2017

**POZIV PRIVREDNICIMA ZA ISKAZIVANJE INTERESA ZA UČEŠĆE NA
Međunarodnom sajmu „AGROKOS 2017“
koji će se održati u Prištini u periodu od 18-20.10.2017.godine**

P/G Komora FBiH poziva privrednike da uzmu učešće na predstojećem Međunarodnom sajmu agrobiznisa, hrane, pića i gastronomije AGROKOS 2017. koji će se održati u periodu od 18. do 20. oktobra 2017. godine u Palati omladine i sporta u Prištini, Kosovo.

„Agrokos“ je izrastao u tradicionalno i veoma atraktivno mesto okupljanja na kojem se susreću privrednici iz sektora poljoprivrede regiona Balkana, ali i sa jugoistoka Evrope, radi uspostavljanja tješnje saradnje.

Sajam je prošle godine bio domaćin za više od 200 izlagača iz regiona i imao 17.000 posetilaca.

Učesnici Sajma mogu se informisati o najnovijim tehnološkim trendovima, promovisati svoje proizvode na direktan način, istražiti tržište Balkana za nove poslovne prilike i saradnju, pronaći nove poslovne partnere, zastupnike i distributere, učvrstiti svoje pozicije na tržištu, njegovati odnose sa postojećim kupcima i potrošačima.

Ovogodišnji izložbeni program čine:

- prehrambeni proizvodi i pića,
- poljoprivredni preparati,
- sjemena, đubriva, staklenici,
- poljoprivredna mehanizacija,
- oprema i tehnologija,
- hortikultura itd.

P/G komora FBiH u saradnji sa VTK BiH, će po drugi put za redom, za potrebe predstavljanja bh. privrede zakupiti štand veličine 54m², na kome je planirano da se predstve domaće firme iz ove oblasti.

Broj izlagača je ograničen na maksimalno do 5 domaćih kompanija koje zadovolje kriterije i prođu proces selekcije, kako je u nastavku definisano .

Svaka BH kompanija na raspolaganju će imati cca 10m² uredenog izložbenog prostora uz upotrebu zajedničke kabine, sto i 4 stolice, vitrinu za eksponate, vertikalni stalak za kataloge, info pult sa istaknutim logom firme, reklamu u katalogu sajma, pojačanu reflektorsku rasvijetu te plaćenu kotizaciju za učenike.



Kriteriji za učešće kompanija su:

- Kompanija je proizvođač u oblasti prehrambene industrije, poljoprivrede i gastronomije;
- Prednost će imati kompanije koje su članovi P/G Komore FBiH, odnosno bh komorskog sistema;
- Kompanija koja ima iskustvo u izvoznim poslovima i upošljava barem jednu osobu koja aktivno govori engleski jezik;
- Kompanija koja je strateški opredjeljena za izvoz, te posjeduje adekvatan asortiman i kvalitet proizvoda potvrđen potrebnim certifikatima;
- Prednost imaju kompanije sa većinskim domaćim kapitalom;
- Kompanija je spremna participirati u troškovima vlastitog učešća;
- Kompanija će imati obavezu da u kontinuitetu obezbijedi učešće svojih predstavnika u periodu od 17-20.10.2017.godine (priprema štanda i cjelodnevni boravak na štandu).

Troškovi učešća po kompaniji:

- Participacija učešća u troškovima štanda 2.500,00KM sa uračunatim PDV-om (plaća se unaprijed);
- Trošak smještaja, ishrane kao i transporta ljudi i eksponata i špedicije pada na teret kompanije učesnice na sajmu;
- P/G Komora FBiH je u saradnji sa organizatorom Sajma, firmom CEOKOS za učesnike BH privredne delegacije isposlovala olakšicu kolektivnog apliciranja sa distance radi dobijanja viza za Kosovo.
- Troškovi pribavljanja viza padaju na teret firmi učesnica.

Ukoliko ste zainteresovani da izlažete na zajedničkom Komorskom štandu i prihvatite navedene uslove, molimo Vas da popunite priloženu prijavu i ovjerenu pošaljete putem faksana broj: 033 217 783 ili na e mail e.pasic@kfbih.com najkasnije **do petka 15.09.2017.godine.**

Uzimajući u obzir činjenicu da je broj bh. firmi koje će izlagati na zajedničkom štandu ograničen, organizacioni tim će izvršiti selekciju na osnovu gore navedenih kriterija.

Kompanije koje su prošle godine učestvovala na sajmu Agrokos će automatski ući u spisak potencijalnih izlagača.

Kontakt osoba : Emir Pašić (061 203 505)

S poštovanjem,

Mirsad Jašarspahić dipl.ing.maš.

Potpredsjednik P/G KFBiH



Prijavni obrazac možete naći uprilogu.